

# EES-STOFNANIR

## SAMEIGINLEGA EES-NEFNDIN

ÁKVÖRÐUN SAMEIGINLEGU EES-NEFNDARINNAR  
nr. 66/2016

2017/EES/73/01

frá 29. apríl 2016

um breytingu á I. viðauka (Heilbrigði dýra og plantna) við EES-samninginn

SAMEIGINLEGA EES-NEFNDIN HEFUR,

með vísan til samningsins um Evrópska efnahagssvæðið, (hér eftir „EES-samningurinn“), einkum 98. gr.,  
og að teknu tilliti til eftirfarandi:

- 1) Fella ber inn í EES-samninginn reglugerð Evrópuþingsins og ráðsins (ESB) nr. 576/2013 frá 12. júní 2013 um gæludýraflutninga, sem ekki eru viðskiptalegs eðlis, og um niðurfellingu á reglugerð (EB) nr. 998/2003 <sup>(1)</sup>.
- 2) Fella ber inn í EES-samninginn framkvæmdarreglugerð framkvæmdastjórnarinnar (ESB) nr. 577/2013 frá 28. júní 2013 um fyrirmyndir að auðkennisskírteinum fyrir flutninga, sem ekki eru viðskiptalegs eðlis, á hundum, köttum og frettum, um að koma á fót skrár yfir yfirráðasvæði og þriðju lönd og um snið, útlit og tungumálakröfur sem varða yfirlýsingarnar sem staðfesta að tiltekin skilyrði, sem kveðið er á um í reglugerð Evrópuþingsins og ráðsins (ESB) nr. 576/2013 <sup>(2)</sup>, séu uppfyllt.
- 3) Fella ber inn í EES-samninginn tilskipun Evrópuþingsins og ráðsins 2013/31/ESB frá 12. júní 2013 um breytingu á tilskipun ráðsins 92/65/EBE að því er varðar kröfur um heilbrigði dýra sem gilda um viðskipti innan Sambandsins og innflutning til Sambandsins á hundum, köttum og frettum <sup>(3)</sup>.
- 4) Fella ber inn í EES-samninginn framkvæmdarákvörðun framkvæmdastjórnarinnar 2013/518/ESB frá 21. október 2013 um breytingu á 1. hluta viðauka E við tilskipun ráðsins 92/65/EBE varðandi fyrirmynd að heilbrigðisvottorði fyrir dýr frá bújörðum <sup>(4)</sup>.
- 5) Fella ber inn í EES-samninginn reglugerð framkvæmdastjórnarinnar (ESB) nr. 31/2014 frá 14. janúar 2014 um niðurfellingu á ákvörðunum 2004/301/EB og 2004/539/EB og reglugerð (ESB) nr. 388/2010 <sup>(5)</sup>.
- 6) Reglugerð (ESB) nr. 576/2013 fellir úr gildi reglugerð Evrópuþingsins og ráðsins (EB) nr. 998/2003 <sup>(6)</sup>, sem hefur verið felld inn í EES-samninginn og ber því að fella gerðina brott úr samningnum.
- 7) Reglugerð (ESB) nr. 577/2013 fellir úr gildi ákvarðanir framkvæmdastjórnarinnar 2003/803/EB <sup>(7)</sup>, 2004/839/EB <sup>(8)</sup> og 2005/91/EB <sup>(9)</sup>, sem hafa verið felldar inn í EES-samninginn og ber því að fella gerðirnar brott úr samningnum.
- 8) Reglugerð (ESB) nr. 31/2014 fellir úr gildi ákvarðanir framkvæmdastjórnarinnar 2004/301/EB <sup>(10)</sup> og 2004/539/EB <sup>(11)</sup> og reglugerð framkvæmdastjórnarinnar (ESB) nr. 388/2010 <sup>(12)</sup>, sem hafa verið felldar inn í EES-samninginn og ber því að fella gerðirnar brott úr samningnum.

<sup>(1)</sup> Stjútö. ESB L 178, 28.6.2013, bls. 1.

<sup>(2)</sup> Stjútö. ESB L 178, 28.6.2013, bls. 109.

<sup>(3)</sup> Stjútö. ESB L 178, 28.6.2013, bls. 107.

<sup>(4)</sup> Stjútö. ESB L 281, 23.10.2013, bls. 14.

<sup>(5)</sup> Stjútö. ESB L 10, 15.1.2014, bls. 9.

<sup>(6)</sup> Stjútö. ESB L 146, 13.6.2003, bls. 1.

<sup>(7)</sup> Stjútö. EB L 312, 27.11.2003, bls. 1.

<sup>(8)</sup> Stjútö. ESB L 361, 8.12.2004, bls. 40.

<sup>(9)</sup> Stjútö. ESB L 31, 4.2.2005, bls. 61.

<sup>(10)</sup> Stjútö. ESB L 98, 2.4.2004, bls. 55.

<sup>(11)</sup> Stjútö. ESB L 237, 8.7.2004, bls. 21.

<sup>(12)</sup> Stjútö. ESB L 114, 7.5.2010, bls. 3.

- 9) Ákvörðun þessi varðar löggjöf um lifandi dýr önnur en fisk og eldisdýr. Ísland er undanþegið löggjöf á þessu sviði eins og fram kemur í 2. mgr. inngangsráða I. kafla I. viðauka við EES-samninginn. Ákvörðun þessi á því ekki að taka til Íslands.
- 10) Ákvörðun þessi varðar löggjöf um heilbrigði dýra. Ákvæði löggjafar um heilbrigði dýra skulu ekki gilda að því er varðar Liechtenstein meðan ákvæði samnings Evrópubandalagsins og Sambandsríkisins Sviss um verslun með landbúnaðarvörur taka einnig til Liechtenstein, eins og tilgreint er í aðlögunarákvæðum vegna einstakra atvinnugreina í I. viðauka við EES-samninginn. Ákvörðun þessi á því ekki að taka til Liechtenstein.
- 11) I. viðauki við EES-samninginn breytist því í samræmi við það.

## TEKIÐ EFTIRFARANDI ÁKVÖRÐUN:

*1. gr.*

Eftirfarandi breytingar eru gerðar á I. kafla I. viðauka við EES-samninginn:

1. Í stað texta 10. liðar (reglugerð Evrópuþingsins og ráðsins (EB) nr. 998/2003) í hluta 1.1 kemur:

„**32013 R 576**: Reglugerð Evrópuþingsins og ráðsins (ESB) nr. 576/2013 frá 12. júní 2013 um gæluþýraflutninga, sem ekki eru viðskiptalegs eðlis, og um niðurfellingu á reglugerð (EB) nr. 998/2003 (Stjtið. ESB L 178, 28.6.2013, bls. 1).

Ákvæði reglugerðarinnar skulu, að því er samning þennan varðar, aðlöguð sem hér segir:

- a) Ekki skal líta á Noreg sem þriðja land.
- b) Eftirfarandi undirgrein bætist við í 1. mgr. 8. gr.:

Sameiginlegar umsóknir, að meðtöldum Noregi, skulu lagðar fyrir framkvæmdastjórnina sem og afrit fyrir Eftirlitsstofnun EFTA. Framkvæmdastjórnin skal hafa samráð við Eftirlitsstofnun EFTA áður en ákvörðun er tekin í samræmi við þessa grein varðandi Noreg.

- c) Dagsetningin „29. desember 2014“ í b-lið 1. mgr. 44. gr., b-lið 2. mgr. 44. gr., að því er Noreg varðar, skal vera gildistökudagur ákvörðunar framkvæmdastjórnarinnar þegar hún er felld inn í EES-samninginn.

Ákvæði þessarar gerðar taka ekki til Íslands.“

2. Eftirfarandi bætist við á eftir 10. lið (reglugerð Evrópuþingsins og ráðsins (ESB) nr. 576/2013) í hluta 1.1:

„10a. **32013 R 0577**: Framkvæmdarreglugerð framkvæmdastjórnarinnar (ESB) nr. 577/2013 frá 28. júní 2013 um fyrirmyndir að auðkennisskírteinum fyrir flutninga, sem ekki eru viðskiptalegs eðlis, á hundum, köttum og frettum, um að koma á fót skráum yfir yfirráðasvæði og þriðju lönd og um snið, útlit og tungumálakröfur sem varða yfirlýsingarnar sem staðfesta að tiltekin skilyrði, sem kveðið er á um í reglugerð Evrópuþingsins og ráðsins (ESB) nr. 576/2013, séu uppfyllt (Stjtið. ESB L 178, 28.6.2013, bls. 109).

„Ákvæði reglugerðarinnar skulu, að því er samning þennan varðar, aðlöguð sem hér segir:

- a) Ekki skal líta á Noreg sem þriðja land.
- b) Orðin „Evrópusambandið/Noregur“ á framhlið fyrirmyndar að vegabréfi í 1. hluta III. viðauka koma í stað orðsins „Evrópusambandið“.
- c) Heimilt er að setja mynd af norska fánanum á framhlið vegabréfsins til viðbótar við fána ESB.

Ákvæði þessarar gerðar taka ekki til Íslands.“

3. Eftirfarandi undirliðir bætast við í 9. lið (tilskipun ráðsins 92/65/EBE) í hluta 4.1 og 15. lið (tilskipun ráðsins 92/65/EBE) í hluta 8.1:

„– **32013 L 0031:** Tilskipun Evrópuþingsins og ráðsins 2013/31/ESB frá 12. júní 2013 (Stjtíð. ESB L 178, 28.6.2013, bls. 107).

– **32013 D 0518:** Framkvæmdarákvörðun framkvæmdastjórnarinnar 2013/518/ESB frá 21. október 2013 (Stjtíð. ESB L 281, 23.10.2013, bls. 14).“

4. Texti annars undirliðar 10. liðar (ákvörðun framkvæmdastjórnarinnar 2004/539/EB) í hluta 1.1 og texti 121. liðar (ákvörðun framkvæmdastjórnarinnar 2003/803/EB), 122. liðar (ákvörðun framkvæmdastjórnarinnar 2004/301/EB), 125. liðar (ákvörðun framkvæmdastjórnarinnar 2004/839/EB), 126. liðar (ákvörðun framkvæmdastjórnarinnar 2005/91/EB), 147. liðar (reglugerð framkvæmdastjórnarinnar (ESB) nr. 388/2010) í hluta 1.2 fellur brott.

2. gr.

Norskur texti reglugerðar (ESB) nr. 576/2013, framkvæmdarreglugerðar (ESB) nr. 577/2013, tilskipunar 2013/31/ESB, framkvæmdarákvörðunar 2013/518/ESB og reglugerðar (ESB) nr. 31/2014, sem verður birtur í *EES-viðbæti við Stjórnartíðindi Evrópusambandsins*, telst fullgiltur.

3. gr.

Ákvörðun þessi öðlast gildi 30. apríl 2016, að því tilskildu að allar tilkynningar samkvæmt 1. mgr. 103. gr. EES-samningsins hafi farið fram (\*).

4. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 29. apríl 2016.

Fyrir hönd sameiginlegu EES-nefndarinnar

***Claude Maerten***

formaður.

(\*) Engin stjórnskipuleg skilyrði gefin til kynna.